

容

太政官文庫			
和書門	特別	一	乙
		二	第
		三	五
		六	十
		二	番
類	號	函	架
四	六	五	冊

內閣文庫	
番號	和 32362
冊數	465 (435) 431
函號	樹 54 1

共十九

庶物類纂

果屬

自四十一至四十二




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂果屬卷之四十一目次

龍眼

金果

海松子

庶物類纂

卷之四十一

果屬目次

龍眼

一名荔枝奴、南方草 一名益智、名醫別錄 一名亞
 荔枝、嘉祐補本草 一名龍目、吳晉本草 一名比目、同上
 名驪珠、本草綱目 一名燕卵、同上 一名蜜脾、同上
 鮫淚、同上 一名川彈子、同上 一名木彈、同上 一名繡
 水團、群芳譜 一名海珠藜、同上 一名圓眼、福州府志


無物類集

卷四十一

果屬

龍眼

一



龍眼

龍眼一名益智一名驪珠一名龍目一名比目一名
 圓眼一名蜜脾一名燕卵一名繡水團一名海珠藜
 一名川彈子一名亞荔枝一名荔枝奴閩廣蜀道出
 荔枝處皆有之樹似荔枝高一二丈枝葉微小葉似
 林檎陵冬不凋春末夏初開細白花七月實熟大如
 彈丸薄於荔枝白而有漿甘如蜜質味殊絕純甜無
 酸實極繁作穗如葡萄每穗五六十顆殼青黃色性
 畏寒白露後方可採摘性甘平無毒安志健脾補虛

開胃除蠱毒公三蟲久服輕身不老裨益聰明故又名益智非今醫家所用之益智子食品以荔枝為貴而資益則龍眼為良蓋荔枝性熱而龍眼平和也

明王

盡臣二如亭群芳譜

製用採下用梅酒浸一宿取出曬乾用火焙之以核乾硬為度如荔枝法收藏之成朵乾者名龍眼錦

農書

○同上

龍眼惟閩中及南越有之太冲自言十年作賦二都所有皆責土物之貢至於言龍目亦不自知其失也

山谷詩注
○同上

龍眼與荔枝齊名味亦甚美登盤俎而充供御稱於魏文之詔詠於左思之賦豈凡果之可比也

王頎農書○同上

龍眼自尉陀獻漢高帝始有名見西京雜記左太冲賦旁挺龍目即此梧潯署中皆有之結實甚繁剖之色瑩白政如水晶丸核映於外味亦甘美但覺草氣風韻遠遜荔枝故謂之荔枝奴蘇長公日閩越人高荔子而下龍眼吾為平之荔子如食蚌蠃太蟹斫雪

流膏一噉可飽龍眼如食彭越石蟹嚼齧久之了無所得然酒闌口爽饜飽之餘則嗜啄之味石蟹有時勝蟬蛸也長公此語足為荔枝奴解嘲張七澤○同上
 玄扈先生曰乾龍眼肉勝荔枝且能補心氣大益人鮮食之大不如荔枝真堪作奴明徐光啓農政全書
 龍眼樹如荔枝但枝葉稍小殼青黃色形圓如彈丸核如木梳子而不堅肉白而帶漿其甘如蜜一朵五六十顆作穗如蒲萄然荔枝過即龍眼熟故謂之荔枝奴如言常隨其後也東觀漢記曰單于來朝賜橙

橘龍眼荔枝魏文帝詔群臣曰南方果之珍異者有

龍眼荔枝令歲貢焉出九真交趾晉嵇含南方草木狀

龍眼南州悉有之極大者出邕州圍如當二錢但肉

薄不能遠過常品為可恨宋范成大桂海虞衡志

閩越人高荔子而下龍眼吾為評之荔子如食蟬蛸

太蟹斫雪流膏一噉可飽龍眼如食彭越石蟹嚼齧

久之了無所得然酒闌口爽饜飽之餘則嗜啄之味

石蟹有時勝蟬蛸也戲書此紙為飲流一笑荔枝龍眼說○

蘇東坡文集

庶物類纂

卷四十一

果屬

龍眼

四

生龍眼沸湯內淖過食之不動脾郭橐駝種樹書

荔枝才已龍眼始行殼黃瓢白核壯肉薄本草謂之荔枝奴信然蓋荔枝飽啖之餘不堪阻嚼如膏染子

居常釀麩一旦家落舖薄糜便不適口明陳懋仁泉南雜志

廣雅以龍眼為益智爾雅以益母為茺蔚其實非也

明謝肇淛五雜俎

荔枝龍眼不但以味勝食之亦皆有益於人蠲渴補髓通神益智列仙傳云有食荔枝而得仙者而龍眼乾之煎汁為飲尤養心血治怔忡不寐健忘諸疾同上

龍眼名品不一最大者呼虎眼最小者呼鬼眼龍眼

是其中者今人不復識別總呼龍眼泉州府志

圖經曰龍眼木高二丈許似荔枝葉微小凌冬不凋

春末夏初生細白花七月而實成殼青黃色文作鱗

甲形圓如彈丸核若無患而不堅肉白有漿甚甘美

其實極繁荔枝纔過龍眼即熟故南人名為荔奴一

名益智以其味甘歸脾又蜀本能除蠱毒去三蟲張


岳惠安志大者名龍眼次名人眼小者名鬼眼俗不

識別總謂龍眼陳懋仁泉南雜記龍眼甘香溢牙齒

間嚼者多不知厭出長樂者大可寸許最佳名樂員
泉州近出英山亦其亞也宋劉屏山詩香剖蜜穉知
韻勝價輕魚目為生多書 閩

龍眼一名益智一名比目一名海珠藜樹似荔枝而
葉幹幾小凌冬不凋其枝蔓延緣木而生春末開細
白花結實圓如彈而殼青黃核如木椀子而不堅肉
白有漿其甘如蜜一朵四五十顆作穗若蒲萄然其
性畏寒白露後方可摘荔枝有後方熟故俗呼為荔
奴又因其色香味皆不及荔枝故稱為奴在食品則


荔枝肉厚漿多而香因可人口特珍異之若論益人
則龍眼功用良多荔枝性熱而龍眼性最和平宜與
荔枝比肩烏得而奴隸之耶清陳湜子
秘傳花鏡



金果

- 一名海棗南方草木狀 一名窟莽酉陽雜俎 一名無漏
- 子本草拾遺 一名波斯棗太平御覽 一名千年棗開寶本草
- 一名海椹本草圖經 一名萬年棗輟耕錄 一名苦魯
- 麻棗同上 一名鳳尾蕉同上 一名萬歲棗大明一統志
- 一名番棗本草綱目 一名火蕉物理小識 一名番蕉花鏡

俗名促鐵紫



金果

海棗樹身無閑枝直聳三四十丈樹頂四面共生十
 餘枝葉如栴櫚五年一實實甚大如杯益核兩頭不
 尖雙卷而圓其味極甘美安邑御棗無以加也泰康
 五年林邑獻百枚昔李少君謂漢武帝曰臣嘗遊海
 上見安期生食臣棗大如瓜非誕說也嵇含南方
草木狀
 波斯棗出波斯國波斯國呼為窟菴樹長三四丈圍
 五六尺葉似土藤不凋二月生花狀如蕉花有兩甲
 漸漸開罅中有十餘房子長二寸黃白色有核熟則

子黑狀類乾棗味甘如飴可食唐段成式西陽雜俎

嶺表錄異曰波斯棗廣州郭內見其樹樹身無開枝直聳三四十尺及樹頂四向共生十餘枝葉如海欖廣州所種者或三五年一番結子亦似此中青棗但小耳自青及黃葉已盡又朶著子每朶約三二十顆劉珣曾於番禺家食本國將來者色類沙糖皮肉栗爛餌之乃永樂天烝之味也其核與此中棗殊異兩頭不尖雙卷而圓如小塊紫礦珣亦收而種之久無萌芽疑是烝熟也太平御覽

金果成都府江濱廟前有樹六株世傳自漢唐以來即有之其樹高可五六十丈圍約三四尋挺直如矢無佗柯幹頂上纔生枝葉若椶櫚狀皮如龍鱗葉如鳳尾實如棗而加大每歲仲冬有司具牲饌祭畢然後采摘金鼓儀衛迎入公廨筮點醫工以刀逐箇剝去青皮石灰湯焯過入熬熟冷蜜浸五七日漉起控乾再換熟蜜如此三四次卻入瓶缶封貯進獻不如此修製則生澀不可食泉州萬年棗三株識者謂即四川金果也番中名為苦魯麻棗蓋鳳尾蕉也元陶宗儀

果屬 金果 三

錄 駁耕

忽魯謨斯國萬年棗亦有二樣一様番名採沙布每箇如母指大核小結霜如沙糖忒甜難喫一様按爛成二三十箇大塊如好柿餅與棗之味一等如南棗樣略大味頗澀彼人將來喂牲口

明馬歡瀛 涯勝覽

鳳尾蕉其本龜巨葉長四五尺密比如魚刺然高者亦丈餘又有番蕉似鳳尾而小相傳從流求來者云種之能辟火患

明謝肇淛 五雜俎

番蕉云是水精故能辟火將枯時以鐵屑糞之或以

鐵丁釘其根則復活蓋金能生水也物性之奇有如此者植盆中不甚長一年纔落一下葉計長不能以寸也亦不甚作花余家畜二本三十年中僅見兩度花耳花亦似芭蕉而色黃不實

上同

福州有鐵蕉贛州有鳳尾蕉似同類而稍異狀然好以鐵爲糞將枯釘其根則復生亦異物也云能辟火園林中存一二株亦可翠筠草極陰處種之色翠甚可愛尤宜與秋海棠作伴

明王敬美學圃雜疏

海棗即海棗一名無漏子智按即鳳尾蕉多年高大

者葉心漏日不漏月燒紅鐵釘之則茂因其辟火曰
火蕉愁含云交趾多所謂安期斗棗按泰康五年林
邑獻海棗雜俎言波期棗如蕉是也清方以智通雅

日照火蕉則其葉上脊縫一條無影而兩傍垂翠者
有影月中則皆有影燒釘釘之則茂彼火性盛故合
日也厭勝謂之辟火千年則結棗大如瓜凡數十年
而花數十年而實清皖桐方氏物理小識

鳳尾蕉一名番焦產於鐵山江西福建皆有葉長二
三尺每葉出細尖瓣如鳳毛之狀色淡青冬亦不凋

如少萎黃卽以鐵燒紅釘其本上則依然生活平常
不澆壅惟以生鐵屑和泥壅之自茂且能生子分種
易活極能辟火患人多盆種庭前以爲奇玩清陳湜子祕傳

花鏡

海松子

一名海梧子

南方草木狀


一名五鬣松

酉陽雜俎

一名

新羅松子

本草綱目



海松子

海松子生新羅如小栗三角其中仁香美東夷食之
當果與中土松子不同開寶本草

海松子出遼東及雲南其樹與中國松樹同惟五葉
一叢者毬內結子大如巴豆而有三稜一頭尖爾久
收亦油馬志謂似小栗殊失本體中國松子大如柏
子亦可入藥不堪果食詳見木部松下按段成式西
陽雜俎云予種五鬣松一株根大如盃結實與新羅
南詔者無別其三鬣者俗呼孔雀松亦有七鬣者或

云三鍼者為栝子松五鍼者為松子松明李東璧本草綱目

按醫說云食胡羊肉不可食松子而物類相感志云

凡雜色羊肉入松子則無毒其說不同何哉同上

服食家用松子皆海松子曰中國松子肌細力薄只

可入藥耳按列僊傳云偃佺好食松實體毛數寸走

及奔馬又犢子少在異山食松子茯苓壽數百歲又

赤松子好食松實天門冬石脂齒落夏生髮落夏出

莫知所終皆指此松子也同上

新羅國松子如小栗三角甚香美今朝鮮國以此作

腐明錢允治食物本草校註

中國松子力薄只可入藥惟海松子為服食妙品顧逢

伯分部
本草

海梧子樹與中國松同但結實絕大形如小栗三角

肥甘香味亦樽俎間佳果也出林邑晉嵇含南方草木狀

松今言兩粒五粒粒當言鬣成式脩竹里私第大堂

前有五鬣松兩根大財如盃甲子年結實味如新羅

南詔者不別五鬣松皮不鱗中使仇士良水磴亭子

在城東有兩鬣皮不鱗者又有七鬣者不知自何而

得俗謂孔雀松三鬣松也松命根遇石則偃蓋不必
千年也唐段成式酉陽雜俎

終南山中有人身無衣服徧體生黑毛飛騰不可及

為獵人所得言秦宮人避亂入山有老翁教食松實

初甚苦澀後稍便之遂不饑獵人以穀食之初聞甚

臭吐逆數日乃安身毛脫落漸老而死宋魯應龍括異志

新羅使者每來多鬻松子有數等玉角香重堂棗御

家長龍牙子惟玉角香最奇使者亦自珍之宋陶穀清異錄

新羅使者多攜松子賂公卿家問其名有玉角子龍

牙子宋張義貴耳集

梵文甚細如敘果有五棗杏等謂之核果梨柰等謂

之膚果椰子胡桃等謂之殼果松子柏仁等謂之檜

果大小豆等謂之角果核殼易解膚皮膚可啖也角

華言亦稱豆角惟檜頗奧按字書空外反麤糠皮謂

之檜豈取義華梵不能無相通云明陸深蜀都雜鈔

偃佺食松實形體生毛兩目夏方山中毛女食柏葉

不饑不寒不知年歲彭鏗常食桂芝八百餘歲赤將

子輿啖百草花能隨風雨上下魯定公母服五加皮

以致不死張子聲服五加皮酒壽三百年方室不絕
 任子季服茯苓輕身隱形韓衆服菖蒲遍體生毛隆
 冬裸袒趙佗子服桂日行五百里移門子服五味子
 色如玉女林子明服木身輕馭舉楚子服地黃夜視
 有光陵陽子仲服遠志有子二十七老夏少容杜子
 微服天門冬八十年日行三百里庾肩吾服槐實年
 七十餘鬚鬢夏黑青城上官道人食松葉九十如童
 趙瞿餌松脂百歲髮不白齒不落人於草木之實餌
 之不輟皆足補助血氣培養壽命但世人輕而不信

耳夫鉤吻烏喙足以殺人人所共信也惡者有損善
 者豈得無益與其服草木之實縱無益而無害也不
 猶愈於煉紅鉛服金石毒發而莫之救求長生而返
 速斃乎明謝肇淛五雜俎
 松子大明一統志以為泉州土產今無八閩通志
 解松子油法松子仁油壞者攤竹紙上焙之如新凡
 仁類皆用此法清皖桐方氏物理小識




庶物類纂果屬卷之四十二目次

梧桐

無花果

枳椇

梓榆



梧桐

一名櫨爾雅一名榮同上一名青桐齊民要術一名果

子梧桐興化府志

俗名族和尼搖魯里山城州

梧桐

梧桐一名青桐一名櫨皮青如翠葉缺如花妍雅萃
 淨賞心悅目人家齋閣多種之其木無節直生理細
 而性緊四月開花嫩黃小如棗花墜下如醜五六月
 結子莢長三寸許五片合成老則開裂如箕名曰橐
 鄂子綴其上多者五六少者二三大如黃豆雲南者
 夏大皮皺淡黃色仁肥嫩可生噉亦可炒食道中書
 云梧桐可知月正閏歲生十二葉一邊六葉從下數
 一葉為一月有閏則十三葉視葉小處則知閏何月

立秋之日如某時立秋至期一葉先墜故云梧桐一

葉落天下盡知秋明王蓋臣二如亭羣芳譜

種植正二月內以黃土拌鉅末少許或盆或地上俱

可種上覆土末寸半許時時用水澆灌使土長溼待

長尺餘移栽冬間不用占盃同上

製用桐子微炒布包少許磚地上輕輕板之簡出仁

未破者再板陸續收取同上

梧桐花初生色赤主旱色白主水同上

永昌有梧桐子比中州者形頗長大者幾可當蓮實

過永昌亦不可得滇南雜記

蜀人侯繼圖倚大慈寺樓偶飄一木桐葉上有詩云

拭翠斂蛾眉為鬱心中事榻管下庭除書作相思字

此字不書石此字不書紙書向秋葉上願逐秋風起

天下有心人盡解相思死天下負心人不識相思意

有心與負心不知落何地後數年繼圖卜任氏為婚

始知字出任氏同上

梧桐直幹葉稍似芙蓉而大爾雅注榮木梧桐也橐

鄂皆五陶淵明詩冉冉榮木結根於茲是也或以為

榮華失之矣禮記云季春之月桐始華周書曰清明之日桐始華桐若不化歲有大寒詩義疏曰有青桐赤桐白桐白桐宜琴瑟遁甲曰梧桐生十二葉一邊有六葉從下數一葉為一月至上十二葉有閏則十三葉視葉小者則知閏何月也王逸曰松柏冬茂陰木也梧桐春榮陽木也風俗通曰梧桐生於嶧山之陽崑石之上採東南孫枝為琴聲極清麗孫枝枝之生於根者也唐王義方買宅既定見青桐二株曰此忘酬直或謂無別酬例王曰此佳樹非佗物比急召

宅主付之錢三千蓋古人喜據梧而吟也然易栽植春間種子治畦下水即生稍長可移栽亦在春時其根甚脆不得損折地喜實不喜浮喜清不喜濁栽背陰處方盛三月盡四月初發芽漸放葉成綠蓋五月始花即結子八月方可擊下子去殼香而有味立秋之刻必脫一葉以後漸脫至冬則一葉無存明周文華致富全書

齊民要術曰青桐九月收子二三月中作一步圓畦種之方大則難裹所以須圓小治畦下水一如葵法五寸下一子

少與熟糞和土覆之生後數澆令潤澤此木宜溼故也當歲
 即高一丈至冬豎草於樹間令滿外復以草圍之以
 葛十道束置不然則凍死也明年三月中移植於廳齋之前
 華淨妍秀極為可玩明年冬不須復裹成樹之後剝
 下子一石子於葉上生多者五六少者二三也炒食甚美多噉亦無妨也白桐
 無子冬結似子者乃亦遠大樹掘坑取栽移之成樹
 之後任為樂器青桐則於山石之間生者樂器則鳴
 青白二桐並堪車板盤合屨等用作明徐光啓農政全書
 玄扈先生曰江東江南之地惟桐樹黃栗之利易得

乃將附近山場盡行鋤轉種芝蔴收畢仍以火焚之
 使地熟而沃首種三年桐其種桐之法要在二人並
 耦可順而不可逆一人持桐油一餅持種一籠一人
 持小鋤一把將地鋤起即以油少許滴土中隨以種
 置之次年苗出仍要耘耔一遍此桐三年乃生首一
 年猶未盛第二年則盛矣生五六年亦衰即以栗蠶
 剝之下一二年其栗便生且最大但其味略滯耳首種
 三年桐為利近速圖久遠之利仍要樹千年桐法亦
 如前種黃栗之法候秋季落子多收擇高厚之處掘

地為坑下用礮糠鋪底將種放下上用稻艸蓋定以
王覆之俟來年春氣盛時治地成畦約一尺二寸成
行分種空地之中仍要種豆使之二物爭長又可使
直而不曲待長一二尺即將山場依前法燒鋤過約
闊五尺成行移苗栽之次年耘耔同上
梧桐案今人以其皮青號曰青桐也後魏賈思勰
齊民要術
滇中梧桐子大如豆其形與它處殊不類殼光薄不
皺味如松子又有神黃豆似五倍子能令兒童稀豆
然亦不甚驗也明謝肇淛
五雜俎

梧桐有三種其皮青者曰青桐三月始華是謂果子

梧桐其子似乳結子在於葉上飛鳥喜巢其上所謂

桐乳致巢者此也興化府志

梧桐皮白而有子福州府志

梧桐九月熟八閩通志

桐始生十二葉與月令相協有閏則生十三葉秋至
則落一葉以報金風造化之奇偏於此顯花色黃而
香無花則歲大寒世傳鳳凰所棲今南中桐花時有
鳥飲啄其上名曰桐花鳳清沈賦
名花譜

無花果

一名阿駟西陽雜俎 一名底珍樹同上 一名木饅頭倦遊
 一名映日果便民圖纂 一名優曇鉢楊升菴文集
 一名蜜果群芳譜 一名青桃三才圖會 一名仙桃同上

俗名異地地骨山城州 又名秃胡革氣同上 又名胡貌列氣備前州

無花果

無花果一名映日果一名優曇鉢一名阿駟一名蜜果最易生插條即活在處有之二三月發葉樹如胡桃葉如楮味甘微辛有小毒子生葉間五月內不花而實狀如木饅頭生青熟紫味如柿而無核甘溫無毒開胃止瀉痢人家宅園隨地種數百本收實可備蔬其利有七實甘可食多食不傷人且有益尤宜老人小兒一也乾之與乾柿無異可供邊實一也六月盡取次成熟至霜降有二月常供佳實不比佗果一時

採擷都盡二也種樹十年取効桑桃最速亦四五年
 此果截取大枝扦插本年結實次年成樹四也葉為
 醫痔勝藥五也霜降後未成熟者採之可作糖蜜煎
 果六也得土即活隨地可種廣植之或鮮或乾皆可
 濟饑以備歉歲七也明王蓋臣二
如亭群芳譜
 扦插春分前取條長二三尺者插土中上下相半常
 用糞水澆葉生後純用水忌糞恐枝葉太盛易摧折
 結實後不宜缺水當置瓶其側出以細雷日夜不絕
 果大如甌上同

製用採青果用鹽漬壓扁日乾可充果實小者用糖
 煎蜜煎可以久置上同

無花果今人傳說治心痛用葉煎湯服甚効明徐光
啓農政

全書

木饅頭京師亦有之謂之無花果狀類小梨中空既
 熟色微紅味頗甘酸食之大發瘴嶺南尤多州郡待
 客多取為茶牀高釘故云公筵多釘木饅頭或謂嶺
 南諸州刻木作饅頭狀底刻字云木中祥符年一
 造五十隻談者之過也倦遊雜錄○宋江
少虞皇朝類苑

山東有文官果花亦可觀形味稍似馬金囊禮部精膳司亦有一株不知可移植吾地否若無花果不獨京師即吾地種輒生但惡不足為園林重耳

明王敬美學圃

疏雜

佛書所言優曇鉢羅花其說漫幻不可知今廣東新興縣有優曇鉢似枇杷無花而實即蜀中無花果也

明楊升菴文集

青桃即無花果一名仙桃不花而子亦可啖

明王思義三才

會圖

無花果木本不花生果狀若林檎色青可久收果陰

乾燒灰治痢甚良

明高濂遵生八牋

優曇鉢似琵琶無花而實

明慎懋官華夷花木考

無花果生山野中今人家園圃中亦栽葉形如葡萄

葉頗長硬而厚稍佷三叉枝葉間生果初則青小熟

大狀如李子色似紫茄色味甘

同上

歷考史傳所載果木如所云都念猪肉子猩猩果人面樹者今皆不可得見而今之果木又多出於紀載之外者豈古今風氣不同或昔有而今無或未顯於

昔而蕃衍於今也今聞中有無花果清香而味亦佳此即倦游錄所謂木饅頭者又有一種甚似阜莢而實若丞粟土人謂之肥阜果或云即菩提果至於佛手柑羅漢果之類皆不見紀載而山谷中可充口實而人不及知者益多矣明謝肇淛五雜俎無花果不レ花レ而生狀如青李太葉勁枝河間府志

枳椇

一名樹蜜中華古一名木錫同上一名白石同上一名木石同上一名枳椇齊民要術一名枸毛詩草木鳥獸蟲魚蘇東坡文集一名枳椇同上一名木蜜本草拾遺一名鷄枸救荒子蘇東坡文集一名癩漢指頭同上一名拐棗本草一名鷄矩子續醫說一名枝枸子同上一名桔枸衛生易一名黎棗樹同上一名榕椹庶物異樹簡方一名曲枝果同上一名皆拱子八閩通志一名兼句同上一名金鷄爪李杲食物本草一名蜜屈律本草綱目

名木珊瑚同上 一名鷄爪子同上 一名金鈎木同上
 一名枏栝同上 一名交加枝同上 一名鷄距子同上
 一名棘枸同上 一名鷄橘子同上 一名結留子同上
 一名曹公爪同上 一名枏枸陸疏廣要 一名蜜曲錄
同上 一名棟構物理小識

俗名絜莫復那柰識山城州

枳椇

枳椇生密縣梁家衝山谷中葉似楮葉而無花又卻
 夏尖削面多紋脈邊有細鋸齒開淡黃花結實伏似
 生薑枳椇而細短淡茶褐色故名枳椇味甜救荒本草
 枳椇木高三四丈葉圓大如桑柘夏月開花枝頭結
 實如雞爪形長寸許紐曲開作二三岐巖若雞之足
 距嫩時青色經霜乃黃嚼之味甘如蜜每開岐盡處
 結一二小子狀如蔓荊子內有扁核赤色如酸棗仁
 形飛鳥喜巢其上故宋玉賦云枳椇來巢曲禮云婦

人之贅棋榛脯脩即此也鹽藏荷裏可以備冬儲明李


東壁本草綱目

木蜜一名木屈律一名樹蜜一名木錫一名枳椇子
一名白石一名木石形拳曲合體皆嫩枝肪在實外
枝及葉皆可生噉味如蜜解悶止渴醉甚者食其葉
則醒水作枕能醒酒其老枝及幹根堅不可食細破
煮之前以為蜜味倍甜濃能壞酒俗酒處近其木則
酒必不成明王蓋臣二如亭群芳譜
廣志曰枳椇葉似椰子似珊瑚其味如蜜十一月熟

樹乾者益美出南方大如指頭大平御覽

崔豹古今注曰枳椇子一名樹蜜一名木錫實形拳
曲核在實外味甜美如錫蜜一名白石一名木石一
名枳椇也同上

眉山有穎臣者長七尺健飲啖侷儻人也忽得消渴
疾日飲水數斗食倍常而數溺服消渴藥而逾年疾
日甚自度必死治棺衾囑其子於人蜀有良醫張立
德之子不記其名為診脈笑曰君幾誤死矣取麝香
當門子以酒濡之作十許丸取枳椇子為湯飲之遂



愈問其故張生言消渴消中皆脾衰而腎敗土不能
勝水腎液不上流乃成此疾今診穎臣脈熱而腎且
衰當由果實酒過度虛熱在脾故飲食兼入而多飲
水既多不得不多溺也非消渴也麝香能敗酒瓜
果近輒不實而枳枸亦能勝酒屋外有此木屋中釀
酒不熟以其木爲屋其下亦不可釀酒故以此二物
爲藥以去酒果之毒也宋玉云枳枸來巢枳音俱里
切枸音矩以其實如鳥乳故能來巢今俗訛謂之雞
枸子亦謂之癩漢指頭益取其似也醫之如乳小兒

喜食之

宋蘇東坡文集

丹溪藥按或問一書門人趙良仁編集余見其發熱
論中用雞矩子治中酒人發熱初不解雞矩子爲何
物蘇沈良方云雞矩子俗謂之癩漢指頭醫之如牛
乳亦欠明白後閱僧贊寧物類相感志云枳枸一名
枝枸子俗訛爲雞矩子又名木蜜味甘平無毒樹形
似白楊其子著枝端如小指長數寸屈曲相連噉之
如錫美八九月熟以此木作屋柱令一室之酒味皆
淡薄其功能解酒毒療消渴之聖藥古人單方治酒

積甚良江南謂之白石樹詩所謂南山有栲是也明俞

弁續醫說

韻學集成云已一作檉矩之果其狀詰屈按本草樹

徑尺葉似桑柘子作房似珊瑚枝在其端即檉檉也

檉檉屈曲不伸之貌故廣韻謂之曲枝果明陳懋仁庶物異名

疏

枳枸詩謂之枸樹高大似白楊有子著枝端大如指


長數寸味甘能解酒毒人家有此樹則醞酒不成亦

名木蜜建陽謂之皆拱子崇安謂之兼句八閩通志

木蜜名枳枸木不宜近酒室使酒味薄材佗枕醉者

易醒語曰屬漢指頭中州呼枳棗一名椹構清皖桐方氏物

識理小



梓榆

一名駮馬、毛詩草木鳥獸蟲魚疏
 一名糙葉樹、小物識
 一名梓秧、同上
 一名樸、同上
 補筆
 談

俗名葉那氣
山城州

梓榆

梓榆南人謂之樸齊魯間人謂之駁馬駁馬即梓榆也南人謂之樸樸亦言駁也但聲之訛耳詩隰有六駁是也陸璣毛詩疏檀木皮似繫迷又似駁馬蓋三木相似也今梓榆皮甚似檀以其斑駁似馬之駁者今解詩用爾雅之說以為獸鋸牙食虎豹恐非也獸動物豈常止於隰者又與苞欒苞棣樹槎非類直是當時梓榆耳

宋沈存中補筆談

謹按檀繫迷駁馬三木相似據沈存中則駁馬即

朴也鄭夾添註爾雅云樛櫨按此俗呼朴樹其木如檀子大如梧桐子而黃其說朴乃是而以此爲樛櫨誤也

駮梓榆也一名駮馬皮甚似檀以其斑文似馬之駮故名南人呼之爲朴齊魯謂之駮馬與梓楸同名異種陸璣云駮馬梓榆也其樹皮青白如駮犖遙視似駮馬故謂之駮馬毛傳云獸從爾雅爲說但與鄰章苞棣樹槩非類蓋直是梓榆耳所以箋不言王肅云言六者據所見而言也崔豹云山中有木葉似椽樟

皮多癩駮者名曰六駮似亦有六駮之名○駮獸也如馬鋸牙食虎豹山海經云中曲山有獸名駮狀如馬而身黑二尾一角虎牙爪音如鼓食虎豹可以禦

兵明吳元化毛詩鳥獸草木攷

秦詩山有苞櫨隰有六駮毛氏注以爲駮馬此固無害於義但本中原有六駮其皮青白遠望之如獸焉見崔豹古今注且詩下章山有苞棣隰有樹槩據其文意似皆指草木也故陸璣不從毛氏之說雖詩人未必拘拘若此但以爲木則相屬以爲獸則相遠且

止言駁足矣何必六也鄭詩山有喬松隰有游龍龍亦草名古人之言往往出奇者此又豈得指為游戲之龍乎又宋時里語曰斫檀不諦得莢迷莢迷尚可得駁馬莢迷與六駁木相似言伐檀而悞得莢迷得莢迷而悞以為駁得駁而悞以為駁馬其本本來愈遠矣此見羅願爾雅翼為拈出之明謝肇淛五雜俎


樸葉如加條莖小其皮麤故名福州府志

樸葉樹物志謂之枯條葉性澀可以止滑一名樸樹

其子可種即白駁木榆類也葉沙磨器細於木賦蠟梅葉亦沙可用清皖桐方氏物理小識

庶
物
類
纂

卷
四
十一



Vertical text on the right edge of the right page, likely a page number or index marker.

